


УСТУВОР ИНВЕСТИЦИЯ ЛОЙИҲАЛАРИНИ АМАЛГА ОШИРИШ МАСАЛАЛАРИ МУҲОКАМА ЭТИЛДИ

Ўзбекистон Республикаси Президенти Шавкат Мирзиёев 23 декабрь куни Саудия Арабистони Подшоҳлиги инвестициялар вазирини Халид ал-Фалих бошчилигидаги делегацияни қабул қилди.



Қўп қиррали Ўзбекистон — Саудия ҳамкорлигини янада кенгайтириш, энг аввало, Ўзбекистон Президентининг жорий йил август ойидаги Саудия Арабистонига ташрифи давомида эришилган келишувларни амалга оширишнинг долзарб масалалари кўриб чиқилди.

Учрашув аввалида инвестициялар вазирининг самимий қабул учун Ўзбекистон етакчисига миннатдорлик билдириб, Саудия Арабистони Подшоҳи Салмон бин Абдулазиз Ол Сауд ва Валиахд, Бош вазир Муҳаммад бин Салмон Ол Сауднинг саломини ва энг эзгу тилақларини етказди.

Давлатимиз раҳбари икки томонлама муносабатлар жадал ривожланиб бораётганини алоҳида мамнуният билан қайд этди. Жумладан, жорий йил бошидан ўзаро савдо ҳажми қарийб 10 баробар ошди. Мамлакатимизда Саудия инвестициялари иштирокида 40 та корхона ташкил этилган.

Биргаликда энергетика, кимё саноати, қишлоқ хўжалиги, банк сектори, телекоммуникациялар, тиббиёт ва туризм соҳаларида йирик лойиҳалар амалга оширилмоқда. Саудия тараққиёт фонди кўмағида соғлиқни сақлаш, таълим ва сув таъминоти соҳаларида қатор ижтимоий аҳамиятга эга дастурлар рўйбга чиқарилмоқда.

Саудия Арабистонининг 30 дан ортиқ етакчи компаниялари иштирокида ўтган бизнес-форумнинг самарали яқунлари юксак баҳоланди. “ACWA Power” компанияси билан Қорақалпоғистоннинг Кўнғирот туманида учта шамол электр станциясини қуриш бўйича инвестиция битими имзолангани тadbирнинг муҳим натижаларидан бири бўлди.

Музокаралар чоғида Марказий Осиё минтақасида йирик инфратузилмавий лойиҳаларни илгари суриш масалалари ҳам муҳокама қилинди.

Бошланган инвестиция лойиҳаларининг бажарилишини жадаллаштириш ва янгиликларни тайёрлаш борасидаги, шу жумладан, Ишбилармонлар кенгаши доирасидаги ҳамкорликни янада фаоллаштиришга келишиб олинди.

ҲАРБИЙ ПРОКУРАТУРА ФАОЛИЯТИ ҲАҚИДА АХБОРОТ БЕРИЛДИ

Президент Шавкат Мирзиёев Ҳарбий прокуратура органлари томонидан амалга оширилаётган ишлар ҳисоботи билан танишди.

Маълумки, Ўзбекистон Республикаси Ҳарбий прокуратураси Куролли Кучларда ва Ҳарбий тузилмаларда қонунларга риоя этилишини назорат қилади. Мазкур орган томонидан мамлакатимиз суверенитетини мустаҳкамлаш, мудофаа салоҳиятини ошириш, Ҳарбий хизматчилар ва оила аъзоларининг ҳуқуқларини таъминлаш чоралари кўрилмоқда.

Жумладан, жорий йилда 1 минг 100 га яқин прокурор назорати ҳужжатлари қўлланилиб, 261 та ҳужжат қонунга мувофиқлаштирилган. 7 минг 858 нафар шахснинг ҳуқуқи тикланган. 654 нафар Ҳарбий хизматчиларнинг оила аъзолари иш билан таъминланган.

Куролли Кучларда қурилиш дастурига киритилган объектларнинг лойиҳа-смета ҳужжатлари назорат тартибиде кўриб чиқилиб, 23 миллиард сўмдан зиёд бюджет маблағлари иқтисод қилинишига эришилган. Ҳарбий прокурор протестлари-га асосан судларнинг 10 та қарори қонунга мувофиқлаштирилиб, 6 нафар шахс оқланган.

Фуқароларнинг 2 мингга яқин мурожаатлари кўриб чиқилиб, 254 таси қаноатлантирилган. Шунингдек, сайёр қабулларда 3 минг 200 нафар шахс қабул қилиниб, аниқланган муаммоларини ҳал этиш чоралари кўрилган.

Мамлакатимизнинг Тараққиёт стратегиясидан

Ўзбекистон Республикаси Президентининг ФАРМОНИ

Янги Ўзбекистон маъмурий ислохотларини амалга ошириш чора-тадбирлари тўғрисида

Сўнгги йилларда Янги Ўзбекистонни барпо этишнинг муҳим шартини ҳисобланган самарали фаолият юритувчи бошқарув тизимини шакллантириш бўйича кенг қўламли маъмурий ислохотлар амалга оширилди.

Жумладан, давлат органларининг соҳага оид бўлмаган вазифаларини қисқартириш ва фаолиятига рақамли технологияларни кенг жорий этиш орқали уларнинг тузилмаси ўртача 15 фоизга мақбуллаштирилди, шунингдек, 26 та давлат органлари ва ташкилотларида 40 та раҳбар ўрин-босарлари лавозимлари қисқартирилди.

Давлат органлари фаолиятига замонавий бошқарув тамойилларини жорий қилиш ҳисобидан бюрократик тўсиқларни қисқартириш ва аҳолига давлат хизматларини кўрсатиш тизимини яхшилаш мақсадида 30 га яқин турдаги лицензия ва рухсатномалар бекор қилинди, 70 дан зиёд давлат хизматлари соддалаштирилди, давлат ташкилотлари томонидан 60 дан ортиқ ҳужжатлари талаб қилиш бекор қилинди.

“Электрон ҳукумат” тизимининг фойдаланувчилари сони 4 миллиондан ошиб, у орқали давлат идораларининг 130 дан ортиқ ахборот ресурсларидан фойдаланиш имкониятлари яратилди. Ягона интерактив давлат хизматлари порталида қарийб 350 турдаги хизматлар онлайн шаклда кўрсатилиши йўлга қўйилди.

Янги Ўзбекистон шароитида замонавий талабларга жавоб берадиган илҳам давлат бошқаруви тизимини шакллантириш, қарор қабул қилиш ва масалани кўриб чиқиш жараёнини соддалаштириш орқали давлат органлари раҳбарларининг масъулиятини ошириш ҳамда улар фаолиятини натижадорликка йўналтириш, шунингдек, Янги Ўзбекистон маъмурий ислохотлари дастури ижросини таъминлаш мақсадида:

Ўзбекистон Республикаси Президентининг ҚАРОРИ

Янги Ўзбекистон маъмурий ислохотлари доирасида республика ижро этувчи ҳокимият органлари фаолиятини самарали ташкил этиш чора-тадбирлари тўғрисида

Янги Ўзбекистон маъмурий ислохотлари доирасида мамлакатимизда натижадорликка йўналтирилган илҳам ва профессионал давлат бошқаруви тизимини яратиш бўйича чора-тадбирларнинг ўз вақтида ва самарали амалга оширилишини таъминлаш, шунингдек, республика ижро этувчи ҳокимият органлари фаолиятини янгилаш талаблар ва тамойиллар асосида ташкил этиш мақсадида:

- Ўзбекистон Республикаси Президентининг 2022 йил 21 декабрдаги “Янги Ўзбекистон маъмурий ислохотларини амалга ошириш чора-тадбирлари тўғрисида”-ги ПФ-269-сон Фармони билан вазирлик, қўмита, агентлик ва инспекцияларни ўз ичига оладиган республика ижро этувчи ҳокимият органларининг ягона тизими белгиланганлиги маълумот учун қабул қилинсин.
- Республика ижро этувчи ҳокимият органлари ва уларнинг ҳудудий бўлиналари масъулиятини ошириш мақсадида республика ва маҳаллий даражадаги бўғинларнинг қуйидаги функционал чегараси белгилансин: а) республика ижро этувчи ҳокимият органлари:

ЎЗБЕКИСТОН БМТНИНГ КОСМОСДАН ТИНЧ МАҚСАДЛАРДА ФОЙДАЛАНИШ БЎЙИЧА МАХСУС ҚЎМИТАСИГА АЪЗО БЎЛДИ

БМТ Бош Ассамблеяси Ўзбекистонни Космосдан тинч мақсадларда фойдаланиш қўмитасига (COPUOS) қўшиш тўғрисида қарор қабул қилди.

Ўзбекистоннинг Вена шаҳрида жойлашган БМТ тузилмаларидаги доимий ваколатхонаси маълумотига кўра COPUOS БМТнинг махсус қўмитаси бўлиб, унинг асосий вазифалари халқаро ҳамкорликни кўриб чиқиш ва коинотдан тинч мақсадларда фойдаланиш дастурларини амалга ошириш чора-тадбирлари ҳамда фазонинг тadbир этишда юзага келадиган ҳуқуқий масалаларни ўрганишдан иборат. Ўзбекистоннинг ушбу ташкилотга қўшилиши билан унинг

тегишли соҳада ягона давлат сиёсатини ишлаб чиқади ва унинг амалга оширилишини таъминлайди ҳамда бу борада маҳаллий ижроия ҳокимияти органлари фаолиятини услубий жиҳатдан таъминлайди;

Парламент комиссиясида БМТ БОШ АССАМБЛЕЯСИ РЕЗОЛЮЦИЯСИДАН КЕЛИБ ЧИҚАДИГАН ВАЗИФАЛАР БЕЛГИЛАНДИ

Кеча Ўзбекистон Республикасини барқарор ривожлантириш соҳасидаги миллий мақсадлар ва вазифаларнинг 2030 йилгача бўлган даврда амалга оширилишини назорат қилиш бўйича Парламент комиссиясининг навбатдаги мажлиси бўлиб ўтди.

